



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

Kinaluunniit qinigassanngortissinnaanermik piumasaqaatinik naammassinnissimasoq danskisulli kalaallisullu oqalussinaanngitsoq qinikkatut suliniaruni oqaatsit suut atussavai qanorlu piumaffigineqassava?

(Inatsisartuni ilaasortaq Malik Berthelsen, Siumut)

Tunngavilersuut:

Inatsiartut oqaluttarfiat kalaallisuinnaq oqaluffiusussatut saqqummiunneqartillugu naalakkersuisooqatigiit partiiviniit sakkortuumik akerlilersorneqartarpoq innuttaasunillu immikkoortitsinertut isiginiarneqartarluni aammalu patsisinut ilaatinneqartarluni kinaluunniit qinigaasinnaanermik piumasaqaatinik naammassinnissimasoq oqaluttarfimmi nammineq oqaatsini atorlugit oqalussinnaasariaqartoq.

Inatsisartut suleriaasianni atuuttumi § 53-imi imatut aaliangersagaqarpoq: ”Inatsisartut ataatsimiinneri kalaallisut ingerlanneqassapput aammali danskisut malimalinnaavigineqarsinnaassallutik. Inatsisartunut ilaasortaq danskisuinnaq oqaluttuuppat oqallinneq kalaallisut malinnaavigineqarsinnaassaaq”.

Kalaallisuinnaq oqaluttoqartarnissaanut akerliusut akerliunermut patsisigineqartartup apererusulersippaanga, kinesereq, amerikkarmioq, franskeq sumiuugaluarnerporluunniit qinigaasinnaanermik piumasaqaatinik naammassinnissimasoq qinigaaguni taava oqaatsit suut atorlugit Inatsiartuni sulissava imaluunniit qanoq piumaffigineqassava? Tassami suleriaatsimi allassinnavoq taamaallaat kalaallit danskillu oqaasii kisimik atorineqassasut.

UPA 2010/153-imi Naaja Nathanielsen imatut oqarpoq: ”Oqaloqatigiit akornanni oqaaseqatigiikkaanni oqaloqatigiinneq ajornannginnerusarpoq, kalaallisullu oqaluttut allassinnaasullu amerlisaraanni piffissarujussuarmik aningaasarpassuarnillu sipaartoqarsinnaavoq. Aningaasaqarnermut Ataatsimiititaliap siulittaasuata taamatut oqariartuuteqarnera Naalakkersuisut qanormita isumaqarfigaat?